

見何如早煉碧琅玕

題紫芝院

武夷山前嘯一聲雲愁霧慘野猿驚閉披破衲藏風月醉把葫蘆禁鬼神杖弄銀蟾攬天地夜烹金鼎煮星辰睡酣不覺機關露身是紅光火一輪

景泰山人送友人

白雲影裏話三生起坐相從夜共行誼與雲天高也薄道於泰華重耶輕酒非貪飲誰知已詩不求工貴適情但使忘年成莫逆何須肉袒負渠荆

嘉定甲申閏月五日輓歌

道藏輯要

白貞人集二

墨

婁集二

唳鶴啼猿怨滿懷煙葵露槿淚盈腮一鈎桂月半林黯半夜松風萬壑哀不御六龍昌寶祚遽驂八駿駐瑤臺小臣泉石膏肓了無任水肝玉膽摧

見浙翁琰禪師

謂師有道國人皆何必文殊更五臺棒喝交馳聊復爾離微不犯亦奇哉且言風動還幡動莫問船來與陸來不道相逢不相識儘教箠拾笑咍咍

奏章歸

玉殿朝回夜已深三千世界靜沉沉微微花雨黏琪樹浩浩天風動寶林烟鎖崑崙山頂上月明娑竭海中心步虛聲斷一回

首十二樓臺何處尋

題迎仙堂

昔日尋師到海涯，手中常袖一青蛇。
隨身風月長爲伴，到處溪山總是家。
玉笥巖前曾結草，金華洞裏獨餐霞。
有人問我長生事，默默無言指落花。

述翠虛真人安樂法

收斂神光少默然，頂門一路聚雲煙。
且昇陽火烹金鼎，卻降靈泉灌玉田。
交結只於牛渚外，分明正在鵲橋邊。
功夫九九數六六，此是人間安樂仙。

羅適軒淨明軒

道藏輯要

白真人集二

署

夢集二

占斷人生百歲閑，絳宮有路透玄關。
明如雪夜潭心月，靜似春天雨後山。
萬籟無聲人不寐，一座何處夜將闌。
琴心三疊倚樓坐，黃鶴悠悠去不還。

丹詩

太乙壇前偃月爐，不消柴炭及吹噓。
金翁跨虎歸瑤闕，姪女騎龍到雪壺。
採得三斤寒水玉，鍊成一顆夜明珠。
從茲只用抽添法，產箇嬰兒一似渠。

呈萬菴十章

歸山

生死輪迴第幾番，塵塵劫劫不曾閑。
一潭湛綠是非海，千尺粉